



C40  
4514  
(164)

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

六藏及有  
三州塔雲山  
後安塔慶庭府中永  
者不敢許出境內  
坦世鐵牛海壽



B 64853

淨錄

洞曹宗

瑞州洞山良价禪師

良价會稽俞氏子

徑山沙門語風圓信

無地地主人郭凝之

編集

心經至無

云某甲有眼耳  
共之云吾非汝師即  
二十一詣嵩山具戒

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C40-454

國師云是僧云

聞歇僧云某甲為甚麼不聞國師云汝自不聞

可妨他聞者也僧云未審甚麼人得聞國師云諸

得聞僧云和尚還聞否國師云我不聞僧云和尚

爭知無情解說法國師云賴我不聞我若聞

聞黎莫記得麼師

遂舉僧問如何是

壁瓦礫豈不是

常說熾然

無

即齊於諸聖汝即不聞我說法也僧云恁麼則眾生無分去也國師云我為眾生說不為諸聖說僧云眾生聞後如何國師云即非眾生僧云無情說法據何典教國師云灼然言不該典非君子之所談汝豈不見華嚴經云刹說眾生說三世一切說師舉了馮山云我這裏亦有祇是罕遇其人師云某甲未明乞師指示馮山竖起拂子云會麼師云不會請和尚說馮山云父母所生口終不為子說師云還有與師同時慕道者否馮山云此去灑陵攸縣相連有雲巖道人若能撥草瞻風必為子之所重師云未審此人

支那

長壽寺

二

如何爲山云他曾問老僧學人欲奉師去時如何老僧對他道直須絕滲漏始得他道遠得不違師旨也無老僧道第一不得道老僧在這裏師遂辭爲山徑造雲巖舉前因緣了便問無情說法甚麼人得聞雲巖云無情得聞師云和尚聞否雲巖云我若聞汝卽不聞吾說法也師云某甲爲甚麼不聞雲巖豎起拂子云還聞麼師云不聞雲巖云我說法汝尚不聞豈况無情說法乎師云無情說法該何典教雲巖云豈不見彌陀經云水鳥樹林悉皆念佛念法師於此有省乃述偈云也大奇也大奇無情說法不思議若將

耳聽終難會眼處聞聲方得知師問雲巖某甲有餘習未盡雲巖云汝曾作甚麼來師云聖諦亦不爲雲巖云還歡喜也未師云歡喜則不無如糞掃堆頭拾得一顆明珠師問雲巖擬欲相見時如何雲巖云問取通事舍人師云見問次雲巖云向汝道甚麼雲巖作草鞋次師近前云乞師眼睛得麼雲巖云汝底與阿誰去也師云良价無雲巖云設有汝向甚麼處着師無語雲巖云乞眼睛底是眼否師云非眼雲巖卽喝出師辭雲巖雲巖云甚麼處去師云雖離和尚未卜所止雲巖云莫湖南去師云無云莫歸鄉去師云

無云早晚却回師云待和尚有住處卽來云自此一  
別難得相見師云難得不相見臨行又問百年後忽  
有人問還邈得師真否如何祇對雲巖良久云祇這  
是師沈吟雲巖云价闍黎承當箇事大須審細師猶  
涉疑後因過水睹影大悟前旨有偈云切忌從他覓  
迢迢與我踈我今獨自往處處得逢渠渠今正是我  
我今不是渠應須恁麼會方得契如他日因供養  
雲巖真次僧問先師道祇這是莫便是否師云是云  
意旨如何師云當時幾錯會先師意云未審先師還  
知有也無師云若不知有爭解恁麼道若知有爭肯

恁麼道

長慶稜云既知有爲甚麼恁麼道又云養子方知父慈

師因雲巖諱日

營齋僧問和尚於雲巖處得何指示師云雖在彼中  
不蒙指示云旣不蒙指示又用設齋作甚麼師云爭  
敢違背他云和尚初見南泉爲甚麼却與雲巖設齋  
師云我不重先師道德佛法祇重他不爲我說破云  
和尚爲先師設齋還肯先師也無師云半肯半不肯  
云爲甚麼不全肯師云若全肯卽孤負先師也師自  
唐大中末於新豐山接誘學徒厥後盛化豫章高安  
之洞山權開五位善接三根大闡音廣弘萬品橫  
抽寶劔剪諸見之稠林妙叶弘通截萬端之穿鑿又

得曹山深明的旨妙唱嘉猷道合君臣偏正回互由是洞上玄風播於天下故諸方宗匠咸共推尊之曰洞曹宗

雲巖示衆云有箇人家兒子問着無有道不得底師出問云他屋裏有多少典籍雲巖云一字也無師云爭得恁麼多知雲巖云日夜不曾眠師云問一段事還得否雲巖云道得却不得

院主遊石室回雲巖問汝去入到石室裏許爲祇恁麼便回院主無對師代云彼中已有人占了也雲巖云汝更去作甚麼師云不可人情斷絕去也

雲巖問一尼云汝爺在否尼云在雲巖云年多少尼云年八十雲巖云汝有箇爺不年八十汝還知否尼云莫是恁麼來者麼雲巖云猶是兒孫師云直是不與麼來者亦是兒孫

師叅方到魯祖禮拜起侍立少頃而出却再入來魯祖云祇恁麼祇恁麼所以如此師云大有人不肯魯祖云作麼取汝口辯師便禮拜乃侍奉數月

僧問魯祖如何是不言言魯祖云汝口在甚麼處僧云無口魯祖云將甚麼喫飯僧無對師代云他不饑喫甚麼飯

機述  
師叅南源上法堂南源云已相見了也師便下去明日却上問云昨日已蒙和尚慈悲未知甚麼處是與某甲已相見處南源云心心無間斷流入於性海師云幾合放過師辭南源云多學佛法廣作利益師云多學佛法卽不問如何是廣作利益南源云一物莫違

師到京兆禮拜興平和尚興平云莫禮老朽師云禮非老朽興平云非老朽者不受禮師云他亦不止師却問如何是古佛心興平云卽汝心是師云雖然如此猶是某甲疑處興平云若恁麼卽問取木人去師

云某甲有一句子不借諸聖口興平云汝試道看師云不是某甲師辭興平云甚麼處去師云汭流無定止興平云法身汭流報身汭流師云總不作此解興平乃拊掌

保福展云洞山自是一家乃別云見得幾人

師與密師伯叅百巖百巖問甚處來師云湖南百巖云觀察使姓甚麼師云不得姓百巖云名甚麼師云不得名百巖云還治事也無師云自有郎幕在百巖云還出入也無師云不出入百巖云豈不出入師拂袖便出百巖次早入堂名二上座云昨日老僧對閣黎一轉語不相契一夜不安今請閣黎別下一轉語

若慙老僧意便開粥相伴過夏師云請和尚問百巖云豈不出入師云太尊貴生百巖乃開粥同共過夏

天童傑云明投暗合八面玲瓏不犯當頭轉身有路曹洞門下足可觀光若是臨濟兒孫棒折也未放在當時若見他道不委姓勞脊便與一拳這裏撥得身轉非但開粥相延亦可明窻下安排有麼有麼喝云漆桶參

堂去

師與密師伯到龍山問訊老僧云此山無路闍黎從何處來師云無路且置和尚從何而入老僧云我不從雲水來師云和尚住此山多少時邪老僧云春秋不涉師云和尚先住此山先住老僧云不知師云爲甚麼不知老僧云我不從人天來師云和尚得何道

理便住此山老僧云我見兩箇泥牛鬪入海直至於今絕消息師始具威儀禮拜

師行脚時會一官人云三祖信心銘弟子擬註師云纔有是非紛然失心作麼生註法眼代云恁麼則弟子不註也

師初行脚時路逢一婆擔水師索水飲婆云水不妨飲婆有一問須先問過且道水具幾塵師云不具諸塵婆云去休汚我水擔

師在泐潭見初首座有語云也大奇也大奇佛界道界不思議師遂問云佛界道界卽不問祇如說佛界道界底是甚麼人初良久無對師云何不速道初云

爭卽不得師云道也未曾道說甚麼爭卽不得初無對師云佛之與道俱是名言何不引教初云教道甚麼師云得意忘言初云猶將教意向心頭作病在師云說佛界道界底病大小初又無對次日忽遷化時稱師爲問殺首座价

師與神山密師伯過水乃問過水事作麼生神山云

不濕脚師云老大大作這箇語話神山云你又作

麼生師云脚不濕一作師與神山渡水師云莫錯下脚神山云錯卽過不得也師云不

錯底事作麼生神山云共長老過水

師一日與神山鉏茶園師擲下饅頭云我今日一點

氣力也無神山云若無氣力爭解恁麼道師云汝將謂有氣力底是

師與神山行次忽見白兔走過神山云俊哉師云作

麼生神山云大似白衣拜相師云老大大作這箇

語話神山云你作麼生師云積代簪纓暫時落鬼

神山把針次師問云作甚麼神山云把針師云把針

事作麼生神山云針針相似師云二十年同行作這

箇語話豈有與麼工夫神山云長老又作麼生師云

如大地火發底道理

神山問師云智識所通莫不遊踐徑截處乞師一言

師云師伯意何得取功神山因斯頓覺下語非常後  
與師過獨木橋師先過了拈起木橋云過來神山喚  
价闍黎師乃放下橋木

師與神山行次指路傍院云裏面有人說心說性神  
山云是誰師云被師伯一問直得去死十分神山云  
說心說性底誰師云死中得活

師問雪峰從甚處來雪峰云天台來師云見智者否  
雪峰云義存契鐵棒有分

雪峰上問訊師云入門來須有語不得道早箇入了  
也雪峰云某甲無口師云無口且從還我眼來雪峰

無語

雲居膺別前語云待某甲有口卽  
道長慶稜別云恁麼則某甲謹退

雪峰搬柴次乃於師面前拋下一束師云重多少雪

峰云盡大地人提不起師云爭得到這裏雪峰無語

師於扇上書佛字雲巖見却書不字師又改作非字

雪峰見乃一時除却

興化獎代云吾不如汝  
順云我若作洞山只向雪峰道

白楊

你非吾眷屬

天鉢元云洞山雲  
巖平地起堆雪峰老漢因事長智

雪峰作飯頭淘米次師問淘沙去米淘米去沙雪峰

云沙米一時去師云大眾喫箇甚麼雪峰遂覆却米

盆師云據子因緣合在德山

瑯琊覺云雲峰與麼去  
大似抛却甜桃樹尋山

摘醋梨

天童覺云雪峰步步登高不覺草鞋跟斷  
若也正偏宛轉敲唱雙行自然言氣相合父子相投

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

藏本

王陽明錄

且道洞山不肯雪峰意在什麼處萬里無雲天有過  
雪潭似鏡月難來雪竇宗云直木不棲鸞鳳金針  
已繡鴛鴦若不是新豐  
老人便見水消兔解

師一日問雪峰作甚麼來雪峰云斫槽來師云幾斧

斫成雪峰云一斧斫成師云猶是這邊事那邊事作

麼生雪峰云直得無下手處師云猶是這邊事那邊

事作麼生雪峰休去汾陽昭代云某甲早是困也

雪峰氣師師云子甚處去雪峰云歸嶺中去師云當

時從甚麼路出雪峰云從飛猿嶺出師云今回向甚

麼路去雪峰云從飛猿嶺去師云有一人不從飛猿

嶺去子還識麼雪峰云不識師云為甚麼不識雪峰

云他無面目師云子既不識爭知無面目雪峰無對

椰那覺云  
心籠者失

雲居道膺來叅師問甚處來雲居云翠微來師云翠

微有何言句示徒雲居云翠微供養羅漢某甲問供

養羅漢羅漢還來否翠微云你每日噶箇甚麼師云

實有此語否雲居云有師云不虛叅見作家來

師問雲居汝名甚麼雲居云道膺師云向上更道雲

居云向上即不名道膺師云與老僧抵對道吾的語

一般

雲居問如何是祖師西來意師云闍黎他後有把茅

支那

五家語錄洞山

十

蓋頭忽有人問如何祇對雲居云道膺罪過

師一日謂雲居云吾聞思大和尚生倭國作王是否雲居云若是思大佛亦不作師然之

師問雲居甚處去來雲居云蹋山來師云那箇山堪住雲居云那箇山不堪住師云恁麼則國內總被闍黎占却雲居云不然師云恁麼則子得箇入路雲居云無路師云若無路爭得與老僧相見雲居云若有路卽與和尚隔山去也師乃云此子已後千人萬人把不住去在

師因與雲居渡水次師問水深多少雲居云不濕師

云麤人雲居云請師道師云不乾

五祖演云二人恁麼說話還有優劣

也無山僧今日因行掉臂爲你諸人說破過水一句不濕庫藏真珠堆積過水一句不乾無雜說甚貧寒乾濕二途俱不涉

在他綠水與青山

雲居一日作務悞剗殺蚯蚓師云這箇聾雲居云他不死師云二祖往鄴州又作麼生雲居無對

師問雲居大闡提人作五逆罪孥養何在雲居云始成孥養

師謂雲居云昔南泉問講彌勒下生經僧云彌勒甚麼時下生僧云現在天宮當來下生南泉云天上無彌勒地下無彌勒雲居隨舉而問云只如天上無彌

勒地下無彌勒未審誰與安名師被問直得禪床震  
動乃云膺闡黎吾在雲巖曾問老人直得火爐震動  
今日被子一問直得通身汗流

後雲居結菴於三峰經旬不赴堂師問子近日何不  
赴齋雲居云每日自有天神送食師云我將謂汝是  
箇人猶作這箇見解在汝晚間來雲居晚至師召膺  
菴主雲居應諾師云不思善不思惡是甚麼雲居回  
菴寂然宴坐天神自此竟尋不見如是三日乃絕

師問雲居作甚麼雲居云合醬師云用多少鹽雲居  
云旋入師云作何滋味雲居云得

踈山到值師早叅出問未有之言請師示誨師云不  
諾無人肯踈山云還可功也無師云你卽今還功得  
麼踈山云功不得卽無諱處

一日師上堂云欲知此事直須如枯木生花方與他  
合踈山問一切處不垂時如何師云闍黎此是功勳  
邊事幸有無功之功子何不問踈山云無功之功豈  
不是那邊人師云大有人笑子恁麼問踈山云恁麼  
則迢然去也師云迢然非迢然非不迢然踈山云如  
何是迢然師云喚作那邊人卽不得踈山云如何是  
非迢然師云無辨處

師問踈山空劫無人家是甚麼人住處踈山云不識  
師云人還有意旨也無踈山云和尚何不問他師云  
現問次踈山云是何意旨師不對

青林師虔叅師師問近離甚處青林云武陵師云武  
陵法道何似此間青林云胡地冬抽笋師云別饒炊  
香飯供養此人青林拂袖便出師云此子向後走殺

天下人在

鼓山永云恁麼祇對滴水  
難消因甚別饒炊香飯

青林一日辭師師云子向甚麼處去青林云金輪不  
隱的徧界絕紅塵師云善自保任青林珍重而出師  
門送謂青林云恁麼去一句作麼生道青林云步步

踏紅塵通身無影像師良久青林云老和尚何不速  
道師云子得恁麼性急青林云某甲罪過便禮辭而  
去

龍牙問德山學人仗鎊劔擬取師頭時如何德山  
引頸近前云因龍牙云頭落也德山呵阿大笑龍牙  
後到洞山舉前話師云德山道甚麼龍牙云德山無  
語師云莫道無語且將德山落地頭呈似老僧看龍  
牙方省便懺謝

後有舉似德山德山云洞山不識好  
惡這漢死來多少時救得有甚用處

保福展枯云龍牙只知進前不知失步 翠岩芝  
云龍牙當斷不斷如今作麼生斷 東禪觀云龍牙

抱劔傷身自招過咎德山爲頭作主幸  
好機籌忽被洞山指蹤不覺尾巴露出

龍牙問如何是祖師西來意師云待洞水逆流卽向汝道龍牙始悟厥旨

華嚴休靜問師學人無箇理路未免情識運爲師云汝還見有理路也無華嚴云見無理路師云甚處得情識來華嚴云學人實問師云恁麼則直須向萬里無寸草處去華嚴云萬里無寸草處還許某甲去也無師云直須恁麼去

華嚴搬柴次師把住云狹路相逢時如何華嚴云反側及側師云汝記吾言向南住有一千人向北住止三百而已

欽山叅師師問甚處來欽山云大慈來師云還見大慈麼欽山云見師云色前見色後見欽山云非前後見師默置欽山乃云某甲離師太早不盡師意

欽山與巖頭雪峰坐次師行茶來欽山乃閉目師云什麼處去來欽山云入定來師云定本無門從何而

入老宿代云大人與麼會雪竇顯別云當時但指巖頭雪峰云與這兩箇臨睡漢茶喫

北院通到叅師上堂云坐斷主人公不落第二見通出衆云須知有一人不合伴師云猶是第二見通便掀倒禪牀師云老兄作麼生通云待某甲舌頭爛卽向和尚道通後辭師擬入嶺師云善爲飛猿嶺峻好

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五家語錄

看通良久師名通閣黎通應諾師云何不入嶺去通  
因有省更不入嶺

道全問師如何是出離之要師云闍黎足下烟生全  
當下契悟更不他遊雲居進語云終不敢孤負和尚  
足下烟生師云步步玄者即是功到

師與泰首座冬節喫菓子次乃問有一物上挂天下  
挂地黑似膝常在動用中動用中收不得且道過在  
甚麼處泰云過在動用中

同安顯別云不知

師喚侍者掇退

菓卓

五祖戒別首座云朝來更獻楚王看 琅琊覺  
云若不是洞山老人馬能辨得雖然如是洞山  
猶欠一著在 馮山語云諸人還知洞山落處麼若  
也不知往往作是非得失會去山僧道這菓子非但

首座不得喫假使盡大地人來亦不得正眼觀著  
雲蓋本云洞山雖有打破虛空鉗錘而無補綴底針  
線待伊道過在動用中但道請首座喫菓子泰首座  
若是箇衲僧喫了也須吐出 南堂靜云洞山坐簾  
帷壘决勝千里泰首座通身是口有理難伸 馮山  
果云洞山壓良為賤泰首座有理難伸山僧路見不  
平要為雪恥當時纔見與麼問只向道靈山授記未  
到如此待他擬議拈菓子劈面便擲不唯塞斷咽喉  
免見後人妄生卜度 淨慈昌云洞山雖  
然掇得菓卓去要且塞泰首座口不得

師見幽上座來遽起向禪林後立幽云和尚為甚麼

回避學人師云將謂闍黎不見老僧

師看稻次見朗上座牽牛師云這箇牛須好看恐傷  
人苗稼朗云若是好牛應不傷人苗稼

僧問茱萸如何是沙門行茱萸云行則不無有覺卽

文那

五家語錄洞山

七五

乖別有僧舉似師師云他何不道未審是甚麼行僧  
 遂進此語茱萸云佛行佛行僧回舉似師師云幽州  
 猶似可最苦是新羅東禪齊拈云此語還有疑訛也  
 他又道最苦是新羅無若有且道甚麼處不得若無  
 有覺即乖却令再問是甚麼行又道佛行那僧是會  
 了問不會了僧却問如何是沙門行師云頭長三尺  
 頸長二寸師令侍者持此語問三聖然和尚三聖於  
 侍者手上掐一掐侍者回舉似師師肯之  
 京兆米和尚令僧問仰山云今時還假悟也無仰山  
 云悟即不無爭奈落在第二頭又令僧問師云那箇  
 究竟作麼生師云却須問他始得

陳尚書問五十二位菩薩中爲甚麼不見妙覺師云  
 尚書親見妙覺

官人問有人修行否師云待公作男子即修行

師示衆云兄弟秋初夏末東去西去直須向萬里無  
 寸草處去始得良久云祇如萬里無寸草處作麼生  
 去後有舉似石霜石霜云何不道出門便是草師問

乃云大唐國裏能有幾人大陽道云如今直道不出

甚麼處行履良久云莫守寒巖異草青坐著白雲宗  
 不妙白雲端云若見得菴主便見得洞山若見得  
 洞山便見得菴主見洞山即易見菴主即難爲他不  
 爲住持之絆不見道雲在嶺頭閑不徹水流澗底太  
 怱生馮山果云斬釘截鐵豁開向上玄關語諦言  
 誠且指當人要路且道你作麼生會出門便是草石

970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五家語錄

七

霜恁麼道上封恁麼舉你諸人不得動著動著三十棒 徑山杲云師子一滴乳迸散十斛驢乳

僧問欲見和尚本來師如何得見師云年牙相似即

無阻矣僧擬進語師云不躡前蹤別請一問僧無對

雲居代云恁麼則不見和尚本來師也後皎上座拈問長慶如何是年牙相似者長慶云古人恁麼道皎闍黎又向這裏覓箇甚麼

僧問寒暑到來如何回避師云何不向無寒暑處去

云如何是無寒暑處師云寒時寒殺闍黎熱時熱殺

闍黎投子同云幾乎與麼去 耶那覺云我即不然 如何是無寒暑處僧堂裏去 雲居禪云大小

耶那作這箇去就山僧即不然如何是無寒暑處三冬向暖火九夏取涼風 寶峰文云大眾若也會得

不妨神通遊戲一切臨時寒暑不相干若也不會且向寒暑裏經冬過夏 上封才云洞山一句可謂主

賓交參正偏涉入諸人如今何甚處迴避無事上山行一轉借問諸人會也無 泐潭準云若為人時水也暖不爲人時火也寒

上堂還有不報四恩三有者麼衆無對又云若不體

此意何趨始終之患直須心心不觸物步步無處所

常無間斷始得相應直須努力莫閑過日

師問僧甚處來云遊山來師云還到頂麼云到師云

頂上有人麼云無人師云恁麼則不到頂也云若不

到頂爭知無人師云何不且住云某甲不辭住西天

有人不肯師云我從來疑着這漢

僧問如何是西來意師云大似駭雞犀

僧問蛇吞蝦蟇救則是不救則是師云救則雙目不  
睹不救則形影不彰

有僧不安要見師師遂往僧云和尚何不救取人家  
男女師云你是甚麼人家男女云某甲是大闡提人  
家男女師良久僧云四山相逼時如何師云老僧日  
前也向人家屋簷下過來云回互不回互師云不回  
互云教某甲向甚處去師云粟畚裏去僧噓一聲云  
珍重便坐脫師以拄杖敲頭三下云汝祇解與麼去  
不解與麼來胎覺勤云大凡行脚人正要透脫這二  
件事這僧既是大闡提人家男女直至  
四山相逼手脚忙亂若不是洞山具大慈悲放一線  
道與他平展爭解恁麼去所以古人道臨終之際若

一毫頭聖凡情量未盡未免入驢胎馬腹裏去只如  
洞山道我也向人家簷下過粟畚裏去鼎鼻窺四山  
不礙四山到這裏須是桶底子脫始得且道洞山意  
作麼生還會麼金雞啄破琉璃殼玉兔挨闌碧海門  
因夜叅不點燈有僧出問話退後師令侍者點燈乃  
名適來問話僧出來其僧近前師云將取三兩粉來  
與這箇上座其僧拂袖而退自此省發遂罄捨衣資  
設齋得三年後辭師師云善爲時雪峰侍立問云祇  
如這僧辭去幾時却來師云他祇知一去不解再來  
其僧歸堂就衣鉢下坐化雪峰上報師師云雖然如  
此猶較老僧三生在

師問僧甚處來云三祖塔頭來師云既從祖師處來

又要見老僧作甚麼云祖師卽別學人與和尚不別  
師云老僧欲見闍黎本來師還得否云亦須待和尚  
自出頭來始得師云老僧適來暫時不在  
僧問相逢不拈出舉意便知有時如何師乃合掌頂

戴

師問德山侍者從何方來云德山來師云來作甚麼  
云季順和尚師云世間甚麼物最季順侍者無對  
師上堂云有一人在于萬人中不肯一人不向一  
人你道此人具何面目雲居出云某甲叅堂去

師有時云體得佛向上事方有些子語話分僧問如

何是語話師云語話時闍黎不聞僧云和尚還聞否  
師云不語話時卽聞

僧問如何是正問正答師云不從口裏道僧云若有  
人問師還答否師云也未曾問

僧問如何是從門入者非寶師云便好休

僧問和尚出世幾人肯師云並無一人肯僧云爲甚  
麼並無一人肯師云爲他箇箇氣宇如王

師問講維摩經僧云不可以智知不可以識識喚作  
甚麼語僧云讚法身語師云喚作法身早是讚也

僧問時時勤拂拭爲甚麼不得他衣鉢未審甚麼人

合得師云不入門者僧云祇如不入門者還得也無師云雖然如此不得不與他師又云直道本來無一物猶未合得他衣鉢汝道甚麼人合得這裏合下得一轉語且道下得甚麼語時有一僧下九十六轉語並不契末後一轉始愜師意師云闍黎何不早恁麼道別有一僧密聽祇不聞末後一轉遂詰益其僧僧不肯說如是三年相從終不爲舉一日因疾其僧云某三年請舉前話不蒙慈悲善取不得惡取去遂持刀白云若不爲某舉卽殺上座去也其僧悚然云闍黎且待我爲你舉乃云直饒將來亦無處着其僧禮

謝雪竇顯云他既不受是眼將來必應是瞠還見祖師衣鉢麼若于此入門便乃兩手分付非但大庾嶺頭一箇提不起設使合國人來且款款將去翠巖芝云總不合得他衣鉢却與古佛同參且道參阿誰天童覺云長蘆則不然直須將來若不將來爭知不受將來底必應是眼不受底真箇是瞎還會麼照盡體無依通身合大道靈隱嶽舉翠巖語了云到江吳地盡隔岸越山多

有菴主不安凡見僧便云相救相救多下語不契師乃去訪之菴主亦云相救師云甚麼相救菴主云莫是藥山之孫雲巖嫡子麼師云不敢菴主合掌云大家相送便遷化僧問亾僧遷化向甚麼處去師云火後一莖茆

師因普請次巡察去見一僧不赴普請師問你何不

去僧云某甲不安師云你尋常健時何曾去來

僧問師尋常教學人行鳥道未審如何是鳥道師云

不逢一人僧云如何行師云直須足下無私去僧云

祇如行鳥道莫便是本來面目否師云闍黎因甚顛

倒僧云甚麼處是學人顛倒師云若不顛倒因甚麼

却認奴作郎僧云如何是本來面目師云不行鳥道

後夾山會問僧甚處來僧云洞山來師云洞山有何  
言句示徒僧云尋常教學人三路學夾山云何者三  
路僧云玄路鳥道展手夾山云實有此語否僧云實  
有夾山云執持千里鉢林下道人悲 浮山遠云不  
因黃葉落焉  
如是一秋

師謂眾云知有佛向上人方有語話分僧問如何是

佛向上人師云非佛保福別云佛非法眼  
別云方便呼為佛

師問僧甚處去來僧云製鞋來師云自解依他僧云

依他師云他還指教闍黎也無僧云允卽不違

僧問如何是玄中又玄師云如死人舌

師洗鉢次見兩烏爭蝦蟇有僧便問這箇因甚麼到

恁麼地師云祇為闍黎

僧問如何是毗盧師法身主師云禾莖粟榦

僧問三身之中阿那身不墮眾數師云吾嘗于此切

僧後問曹山先師道吾常於此切意作麼生曹山云  
要頭便斫去又問雪峰雪峰以拄杖擘口打云我亦  
曾到洞山來 承天宗云一轉語海晏河清一轉語  
風高月冷一轉語騎賊馬趁賊忽有箇衲僧出來道

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五言詩錄

三

總不與麼也許伊具一隻眼 妙喜云恁麼葛藤也未夢見三箇老漢在復云何不向膏肓上下一針

會下有老宿去雲巖回師問汝去雲巖作甚麼宿云不會師代云堆堆地

僧問如何是青山白雲父師云不森森者是僧云如何是白雲青山見師云不辯東西者是僧云如何是白雲終日倚師云去離不得僧云如何是青山總不知師云不顧視者是

僧問清河彼岸是甚麼草師云是不萌之草  
師問僧世間何物最苦僧云地獄最苦師云不然在此衣線下不明大事是名最苦

師問僧名甚麼僧云某甲師云阿那箇是闍黎主人公僧云見祇對次師云苦哉苦哉今時人例皆如此祇認得驢前馬後底將爲自己佛法平沈此之是也  
賓中主尚未分如何辯得主中主僧便問如何是主中主師云闍黎自道取僧云某甲道得卽是賓中主  
雲居代云某甲道得不是賓中主 如何是主中主師云恁麼道卽易相續也大難遂示頌云嗟見今時學道流千千萬萬認門頭恰似入京朝聖主祇到潼關卽便休

師上堂云道無心合人人無心合道欲識箇中意一老一不老

後僧問曹山如何是一老曹山云不扶持僧云如何是一不老曹山云枯木僧又舉

支那

五言詩錄

三

似逍遙忠忠  
云三從六義

舉五洩到石頭處云一言相契卽住不契卽去石頭  
據坐五洩便去石頭隨後名云闍黎闍黎五洩回首  
石頭云從生至死祇是這箇回頭轉惱作麼五洩忽  
然契悟乃拗折拄杖師云當時不是五洩先師也大  
難承當然雖如是猶涉途在

僧辭大慈大慈問甚麼處去僧云江西去大慈云我  
勞汝一段事得否僧云和尚有甚麼事大慈云將取  
老僧去得麼僧云更有過於和尚者亦不能將去大  
慈便休後僧舉似師師云闍黎爭合恁麼道僧云和

尚作麼生師云得

法眼別云和尚若  
去某甲提籃子

師又問其僧大

慈別有甚麼言句僧云有時示衆云說得一丈不如  
行取一尺說得一尺不如行取一寸師云我恁麼道  
僧云和尚作麼生師云說取行不得底行取說不得  
底

藥山與雲巖遊山腰間刀響雲巖問甚麼物作聲藥  
山抽刀驀口作斫勢師舉示衆云看他藥山橫身爲  
這箇事今時人欲明向上事須體此意始得

藥山夜叅不點燈藥山垂語云我有一句子待特牛  
生兒卽向你道有僧云特牛生兒也祇是和尚不道

藥山云侍者把燈來其僧抽身入衆雲巖舉問師作麼生師云這僧却會祇是不肯禮拜

舉藥山問僧甚處來云湖南來藥山云洞庭湖水滿也未云未藥山云許多時雨水爲甚麼未滿僧無語道吾云滿也雲巖云湛湛地師云甚麼劫中曾增減來

藥山問僧見說汝解算是否僧云不敢藥山云汝試算老僧看僧無對雲巖舉問師汝作麼生師云請和尚生月

師作五位君臣頌云正中偏三更初夜月明前莫怪

相逢不相識隱猶懷舊日嫌偏中正失曉老婆逢古鏡分明覲面別無真休更迷頭猶認影正中來無中有路隔塵埃但能不觸當今諱也勝前朝斷舌才兼中至兩刃交鋒不須避好手猶如火裏蓮宛然自有冲天志兼中到不落有無誰敢和人人盡欲出常流折合還歸炭裏坐

師上堂云向時作麼生奉時作麼生功時作麼生共功時作麼生功功時作麼生僧問如何是向師云喫飯時作麼生云如何是奉師云背時作麼生云如何是功師云放下饅頭時作麼生云如何是其功師云

不得色云如何是功功師云不共乃示頌云聖主由  
來法帝堯御人以禮曲龍腰有時鬧市頭邊過到處  
文明賀聖朝淨洗濃粧爲阿誰子規聲裏勸人歸百  
花落盡啼無盡更向亂峰深處啼枯木花開劫外春  
倒騎玉象趁麒麟而今高隱千峰外月皎風清好日  
辰衆生諸佛不相侵山自高兮水自深萬別千差明  
底事鷓鴣啼處百花新頭角纔生已不堪擬心求佛  
好羞慚迢迢空劫無人識肯向南詢五十三  
師因曹山辭遂囑云吾在雲巖先師處親印寶鏡三  
昧事窮的要今付於汝詞云如是之法佛祖密付汝

今得之宜善保護銀盃盛雪明月藏鷲類之弗齊混  
則知處意不在言來機亦赴動成窠曰差落顧佇背  
觸俱非如火聚但形文彩卽屬染汗夜半正明天  
曉不露爲物作則用拔諸苦雖非有爲不是無語如  
臨寶鏡形影相覩汝不是渠渠正是汝如世嬰兒五  
相完具不去不來不起不住婆婆和和有句無句終  
不得物語未正故重離六爻偏正回互疊而爲三變  
盡成五如荳草草味如金剛杵正中妙挾敲唱雙舉通  
宗通塗挾帶挾路錯然則吉不可犯忤天真而妙不  
屬迷悟因緣時節寂然昭著細入無間大絕方所毫

忽之差不應律呂今有頓漸緣立宗趣宗趣分矣卽是規矩宗通趣極真常流注外寂中搖係駒伏鼠先聖悲之爲法檀度隨其顛倒以緇爲素顛倒想滅宵心自許要合古轍請觀前古佛道垂成十劫觀樹如虎之缺如馬之鼻以有下劣寶几珍御以有驚異狸奴白牯羿以巧力射中百步箭鋒相直巧力何預木人方歌石女起舞非情識到寧容思慮臣奉於君子順於父不順非孝不奉非輔潛行密用如愚若魯但能相續名主中主師又云末法時代人多乾慧若要辨驗真僞有三種滲漏一見滲漏謂機不離位墮在

毒海二情滲漏謂滯在向背見處偏枯三語滲漏謂究妙失宗機昧終始學者濁智流轉不出此三種子宜知之又綱要偈三首一敲唱俱行偈云金針雙鎖備挾路隱全該寶印當風妙重重錦縫開二金鎖玄路偈云交互明中暗功齊轉覺難力窮忘進退金鎖網鞞鞞三不墮凡聖亦各理事不涉偈云事理俱不涉回照絕幽微背風無巧拙電火爍難追

師不安合沙彌傳語雲居乃囑云他或問和尚安樂否但道雲巖路相次絕也汝下此語須遠立恐他打汝沙彌領旨去傳語聲未絕早被雲居打一棒沙彌

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五家語錄

無語

同安顯代云恁麼則雲巖一枝不墜也雲居錫云上座且道雲巖路絕不絕崇壽稠云古人打

此一棒意作麼生

師將圓寂謂衆云吾有閑名在世誰人爲吾除得衆皆無對時沙彌出云請和尚法號師云吾閑名已謝石霜云無人得他肯雲居云若有閑名非吾先師曹山云從古至今無人辯得疎山云龍有出水之機無人辯僧問和尚違和還有不病者也無師云有僧云不病者還看和尚否師云老僧看他有分僧云未審和尚如何看他師云老僧看時不見有病師乃問僧雖此殼漏子向甚麼處與吾相見僧無對師示頌云學者恒沙無一悟過在尋他舌頭路欲得忘形泯蹤

跡努力殷勤空裏步乃命剃髮澡身披衣聲鐘辭衆儼然坐化時大衆號慟移晷不止師忽開目謂衆云出家人心不附物是真修行勞生惜死哀悲何益復令主事辦愚癡齋衆猶慕戀不已延七日食具方備師亦隨衆齋畢乃云僧家無事大率臨行之際勿須喧動遂歸丈室端坐長往當咸通十年三月壽六十三臘四十二謚悟本禪師塔曰慧覺

撫州曹山本寂禪師

師諱本寂泉州莆田黃氏子少業儒年十九往福州靈石出家二十五登戒尋謁洞山洞山問闍黎名甚

支那

五家語錄曹山

三七

麼師云本寂洞山云那箇聾師云不名本寂洞山深

器之

僧寶傳師名耽章此燈錄所載遂仍之

自此入室盤桓數載乃辭

去洞山遂密授洞上宗旨復問云子向甚麼處去師

云不變異處去洞山云不變異處豈有去耶師云去

亦不變異遂往曹谿禮祖塔回吉水衆嚮師名乃請

開法師志慕六祖遂名山爲曹尋值賊亂乃之宜黃

有信士王若一捨何王觀請師住持師更何王爲荷

玉由是法席大典學者雲萃洞山之宗至師爲盛

師示衆云凡情聖見是金鎖玄路直須回互夫取正

命食者須具三種墮一者披毛戴角二者不斷聲色

三者不受食時有稠布衲問披毛戴角是甚麼墮師

云是類墮云不斷聲色是甚麼墮師云是隨墮云不

受食是甚麼墮師云是尊貴墮乃云食者卽是本分

事知有不取故曰尊貴墮若執初心知有自己及聖

位故曰類墮若初心知有已事回光之時擯却色聲

香味觸法得寧謐卽成功勳後却不執六塵等事隨

分而昧任之則礙所以外道六師是汝之師彼師所

墮汝亦隨墮乃可取食食者卽是正命食也亦是就

六根門頭見聞覺知祇是不被他染污將爲墮且不

是同向前均他本分事尚不取豈况其餘事邪師凡

支那

五家語錄曹山

二七

言墮謂混不得類不齊凡言初心者所謂悟了同未悟耳

師因僧問五位君臣旨訣師云正位卽空界本來無物偏位卽色界有萬象形正中偏者背理就事偏中正者舍事入理兼帶者冥應衆緣不墮諸有非染非淨非正非偏故曰虛玄大道無着真宗從上先德推此一位最妙最玄當詳審辯明君爲正位臣爲偏位臣向君是偏中正君視臣是正中偏君臣道合是兼帶語僧問如何是君師云妙德尊寰宇高明朗太虛云如何是臣師云靈機弘聖道真智利羣生云如何

是臣向君師云不墮諸異趣凝情望聖容云如何是君視臣師云妙容雖不動光燭本無偏云如何是君臣道合師云混然無內外和融上下平師又云以君臣偏正言者不欲犯中故臣稱君不敢斥言是也此吾法宗要乃作偈云學者先須識自宗莫將真際雜頑空妙明體盡知傷觸力在逢緣不借中出語直教燒不着潛行須與古人同無身有事超岐路無事無身落始終復作五相○偈云白衣須拜相此事不爲奇積代簪纓者休言落鳧時○偈云子時當正位明正在君臣未離堯率界烏雞雪上行○偈云燄裏寒

水結楊花九月飛泥牛吼水面木馬逐風嘶○偈云  
王宮初降日玉兔不能離未得無功旨人天何太遲  
●偈云渾然藏理事朕兆卒難明威音王未曉彌勒  
豈惺惺

師行脚時問烏石觀禪師如何是毗盧師法身主烏  
石云我若向你道卽別有也師舉似洞山洞山云好  
箇話頭祇欠進語何不問爲甚麼不道師却去進前  
語烏石云若言我不道卽瘧却我口若言我道卽蹇  
却我舌師歸舉似洞山洞山深肯之

雲門問如何是沙門行師云喫常住苗稼者是雲門

云便恁麼去時如何師云你還畜得麼雲門云畜得  
師云你作麼生畜雲門云著衣喫飯有甚麼難師云  
何不道披毛戴角雲門便禮拜

師示衆云諸方盡把格則何不與他道一轉語令他  
不疑去雲門在衆出問密密處爲甚麼不知有師云  
只爲密密所以不知有

雪竇別云  
達磨來也

雲門云此人如何

親近師云莫向密密處親近雲門云不向密密處時  
如何師云始解親近雲門云諾妙喜云濁油  
更著黑燈心

雲門問不改易底人來師還接否師云曹山無恁麼  
閑工夫

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五家詩金

三

師因米和尚至未相見米遂坐却禪床師更不出米  
便去主事遂問和尚禪床爲什麼被別人坐却師云  
去後却還來米果回與師相見

智炬到叅問師云古人提持那邊人學人如何體悉  
師云退步就已萬不失一炬於言下頓忘玄解

師問金峰志云作甚麼來金峰云蓋屋來師云了也  
未金峰云這邊則了師云那邊事作麼生金峰云候  
下工日白和尚師云如是如是

僧清稅問某甲孤貧乞師賑濟師名稅闍黎稅應諾  
師云清原白家酒三盞喫三猶道未沾唇  
玄覺云甚麼處是與

他酒  
契

鏡清問清虛之理畢竟無身時如何師云理卽如此  
事作麼生鏡清云如理如事師云謾曹山一人卽得  
爭奈諸聖眼何鏡清云若無諸聖眼爭盪得箇不恁  
麼師云官不容針私通車馬  
大瀉詰云曹山雖然善能切磋琢磨其奈鏡清

王本無瑕要會麼不經敏手終成廢器

師問德上座菩薩在定聞香象渡河出甚麼經僧云  
出涅槃經師云定前聞定後聞僧云和尚流也師云  
道也太煞道禪道得一半僧云和尚如何師云灘下  
接取

支那

五家語錄曹山

三

紙衣道者來參師問莫是紙衣道者否云不敢師云  
如何是紙衣下事道者云一裘纔挂體萬法悉皆如  
師云如何是紙衣下用道者近前應諾便立脫師云  
汝祇解恁麼去何不解恁麼來道者忽開眼問云一  
靈真性不假胞胎時如何師云未是妙道者云如何  
是妙師云不借借道者珍重便化師示頌云覺性圓  
明無相身莫將知見妄踈親念異便於玄體昧心差  
不與道爲鄰情分萬法沉前境識鑿多端喪本真如  
是句中全曉會了然無事昔時人

師問強上座云佛真法身猶若虛空應物現形如水

中月作麼生說箇應底道理上座云如驢覷井師云  
道則太煞道祇道得八成上座云和尚又如何師云  
如井覷驢

僧舉陸亘大夫問南泉姓甚麼南泉云姓王亘云王  
還有眷屬也無南泉云四臣不昧亘云王居何位南  
泉云玉殿苔生問師玉殿苔生意旨如何師云不居  
正位僧云八方來朝時如何師云他不受禮僧云何  
用來朝師云違則斬僧云違是臣分上未審君意如  
何師云樞密不得旨僧云恁麼則燮理之功全歸臣  
相也師云你還知君意麼僧云外方不敢論量師云

如是如是

僧問學人通身是病請師醫師云不醫僧云爲甚麼不醫師云教汝求生不得求死不得

僧問師古人云吾有大病非世所醫未審是甚麼病師云攢簇不得底病僧云一切衆生還有此病也無師云人人盡有僧云和尚還有此病也無師云正覓起處不得僧云一切衆生爲甚麼不病師云一切衆生若病卽非衆生僧云未審諸佛還有此病也無師云有僧云既有爲甚麼不病師云爲伊惺惺

僧問沙門豈不是具大慈悲底人師云是僧云忽遇

六賊來時如何師云亦須具大慈悲僧云如何具大慈悲師云一劒揮盡僧云盡後如何師云始得和同僧問肩與目還相識也無師云不相識僧云爲甚麼不相識師云爲同在一處僧云恁麼則不分去也師云肩且不是目僧云如何是目師云端的去僧云如何是肩師云曹山却疑僧云和尚爲甚麼却疑師云若不疑卽端的去也

僧問五位對賓時如何師云汝卽今問那箇位僧云某甲從偏位中來請師向正位中接師云不接僧云爲甚麼不接師云恐落偏位中去師却問僧祗如不

接是對賓是不對賓僧云早是對賓了也師云如是如是

僧問萬法從何而生師云從顛倒生僧云不顛倒時

萬法何在師云在僧云在甚麼處師云顛倒作麼

僧問不萌之草為甚麼能藏香象師云闍黎幸是作

家又是曹山作麼

僧問三界擾擾六趣昏昏如何辨色師云不辨色僧

云為甚麼不辨色師云若辨色即昏也

師聞鐘聲乃云阿唧阿唧僧問和尚作甚麼師云打

着我心僧無對

五祖戒代云作賊人心虛

師問維那甚處來云牽醋槽去來師云或到險處又

作麼生牽維那無對

雲居代云正好着力疎山代云切須放却始得

師一日入僧堂向火有僧云今日好寒師云須知有

不寒者僧云誰是不寒者師焚火示之僧云莫道無

人好師拋下火僧云某甲到這裏却不會師云日照

寒潭明更明

僧問不與萬法為侶者是甚麼人師云汝道洪州城

裏如許多人甚麼處去

僧問如何是無刃劍師云非淬鍊所成僧云用者如

何師云逢者皆喪僧云不逢者如何師云亦須頭落

僧云逢者皆喪則固是不逢者為甚麼頭落師云不見道能盡一切僧云盡後如何師云方知有此劍

僧問於相何真師云即相即真僧云當何顯示師豎起拂子

僧問幻本何真師云幻本元真法眼別云幻本不真僧云當幻何顯師云即幻即顯法眼別云即無當僧云恁麼則始終不離于幻也師云覓幻相不可得

僧問即心即佛即不問如何是非心非佛師云兔角不用無牛角不用有

問如何是常在底人師云恰遇曹山暫出云如何是

常不在底人師云難得

僧問擬豈不是類師云直是不擬亦是類僧云如何是異師云莫不識痛痒好

僧問人人盡有弟子在塵中師還有否師云過手來其僧過手師點云一二三四五六足

僧問魯祖面壁用表何事師以手掩耳

僧問承古有言未有一人倒地不因地而起如何是倒師云肯即是僧云如何是起師云起也

僧問子歸就父為甚麼父全不顧師云理合如是僧云父子之恩何在師云始成父子之恩僧云如何是

父子之恩師云刀斧斫不開

問靈衣不挂時如何師云曹山孥滿云孥滿後如何師云曹山好顛酒

僧問教中道大海不宿死屍如何是大海師云包含萬有者僧云既是包含萬有爲甚麼不宿死屍師云絕氣息者不着僧云既是包含萬有爲甚麼絕氣息者不着師云萬有非其功絕氣息者有其德僧云向上還有事也無師云道有道無即得爭奈龍王按劍何

僧問具何知解善能問難師云不呈句僧云問難箇

甚麼師云刀斧斫不入僧云恁麼問難還有不肯者

麼師云有僧云是誰師云曹山

僧問世間甚麼物最貴師云死貓兒頭最貴僧云爲甚麼死貓兒頭最貴師云無人着價

僧問無言如何顯師云莫向這裏顯僧云甚麼處顯師云昨夜床頭失却三文錢

僧問日未出時如何師云曹山也曾恁麼來僧云出後如何師云猶較曹山半月程

師問僧作甚麼僧云掃地師云佛前掃佛後掃僧云前後一時掃師云與曹山過鞞鞋來

五祖戒代僧語云和尚是何心行

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

僧問抱璞投師請師雕琢師云不雕琢僧云爲甚麼  
不雕琢師云須知曹山好手

僧問如何是曹山眷屬師云白髮連頭戴頂上一枝  
花

僧問古德道盡大地惟有此人未審是甚麼人師云  
不可有第二月也僧云如何是第二月師云也要老

兄定當僧云作麼生是第一月師云險

僧問學人十二時中如何保任師云如經蠱毒之鄉  
水也不得沾着一滴

僧問如何是法身主師云謂秦無人僧云這箇莫便

是否師云斬

僧問親何道伴卽得常聞於未聞師云同共一被蓋

僧云此猶是和尙得聞如何是常聞于未聞師云不

同于木石僧云何者在先何者在後師云不見道常

聞于未聞

僧問國內按劍者是誰師云曹山法燈別云汝不是恁麼人僧云

擬殺何人師云一切總殺僧云忽逢本生父母又作

麼生師云棟甚麼僧云爭奈自己何師云誰奈我何

僧云何不自殺師云無下手處

僧問家貧遭劫時如何師云不能盡底去僧云爲甚

麼不能盡底去師云賊是家親

問一牛飲水五馬不嘶時如何師云曹山解忌口

僧問常在生死海中沉沒者是甚麼人師云第二月

僧云還求出也無師云也求出祇是無路僧云未審

甚麼人接得伊師云擔鐵枷者

僧問雪覆千山爲甚麼孤峰不白師云須知有異中

異僧云如何是異中異師云不墮諸山色

僧舉藥山問僧年多少云七十二藥山云是七十二

那云是藥山便打此意如何師云前箭猶似可後箭

射人深僧云如何免得此棒師云王勅旣行諸侯避

道

僧問香嚴如何是道香嚴云枯木裏龍吟僧云如何

是道中人香嚴云髑髏裏眼睛僧不領乃問石霜如

何是枯木裏龍吟石霜云猶帶喜在僧云如何是髑

髏裏眼睛石霜云猶帶識在又不領乃問師如何是

枯木裏龍吟師云血脉不斷僧云如何是髑髏裏眼

睛師云乾不盡僧云未審還有得聞者麼師云盡大

地未有一人不聞僧云未審枯木裏龍吟是何章句

師云不知是何章句聞者皆喪遂示偈云枯木龍吟

真見道髑髏無識眼初明喜識盡時消息盡當人那

辨濁中清

問如何是佛法大意師云填溝塞壑

僧問如何是師子師云衆獸近不得僧云如何是師

子兒師云能吞父母者僧云既是衆獸近不得爲甚

麼却被兒吞師云豈不見道子若哮吼祖父俱盡僧

云盡後如何師云全身歸父僧云未審祖盡時父歸

何所師云所亦盡僧云前來爲甚道全身歸父師云

譬如王子能成一國之事又云闍黎此事不得孤滯

直須枯木上更撒些子花

問纔有是非紛然失心時如何師云斬

師讀杜順傳六士所作法身偈乃云我意不欲與麼

道門弟子請別作之既作偈又註釋之其詞曰渠本

不是我非我我本不是渠非渠渠無我非我即死仰汝取活我無渠

即余不別有渠如我是佛要且不是佛我如渠即驢二俱不立不

食空王俸若遇御飯直須吐却何假鴈傳書不通信我說橫身唱

君看背上毛不與你相似乍如謠白雪將謂是白雪猶恐

是巴歌傳此句無註

僧問朗月當空時如何師云猶是堦下漢僧云請師

接上堦師云月落後來相見趙州語錄同此今並存之

師垂語云有一人向萬丈崖頭騰身直入此是甚麼

人衆無對道延出云不存師云不存箇甚麼延云始得撲不破師深宵之

僧舉西園一日自燒浴次僧問何不使沙彌西園撫掌三下問師師云一等是拍手撫掌就中西園奇怪俱眠一指頭禪蓋爲承當處不諦當僧却問師西園撫掌豈不是奴兒婢子邊事師云是云向上更有事也無師云有云如何是向上事師叱云這奴兒婢子南州帥南平鍾王雅聞師有道盡禮致之不赴但書偈付使者云摧殘枯木倚寒林幾度逢春不變心樵客見之猶不採郢人何事苦搜尋

師作四禁偈云莫行心處路不挂本來衣何須正恁麼切忌未生時

示學人偈云從緣薦得相應疾就體消停得力遲瞥起本來無處所吾師誓說不思議

示衆云僧家在此等衣線下理須會通向上事莫作等閑若也承當處分明卽轉他諸聖向自己背後方得自由若也轉不得直饒學得十成却須向他背後叉手說甚麼大話若轉得自己則一切麤重境來皆作得主宰假如泥裏倒地亦作得主宰如有僧問藥山云三乘教中還有祖意也無答云有僧云既有達

磨又來作麼藥山云只爲有所以來豈非作得主宰  
轉得歸自己乎如經云大道智勝佛十劫坐道場佛  
法不現前不得成佛道言切者滯也謂之十成亦云  
斷滲漏也只是十道頭絕矣不忘大果故云守住耽  
着名爲取次承當不分貴賤我常見叢林好論一般  
兩般還能成立得事麼此等但是說向去事路布汝  
不見南泉云饒汝十成猶較王老師一線道也大難  
事到此直須仔細始得明白自在不論天堂地獄餓  
鬼畜生但是一切處不移易元是舊時人只是不行  
舊時路若有忻心還成滯着若脫得揀甚麼古德云

只恐不得輪迴汝道作麼生只如今人說箇淨潔處  
愛說向去事此病最難治若是世間麤重事却是輕  
淨潔病爲重只如佛味祖味盡爲滯着先師云擬心  
是犯戒若也得味是破齋且喚什麼作味只是佛味  
祖味纔有忻心便是犯戒若也如今說破齋破戒卽  
今三羯磨時早破了也若是麤重貪嗔癡難斷却  
是輕若也無爲無事淨潔此乃重無以加也祖師出  
世亦只爲這箇亦不獨爲汝今時莫作等閑驚奴白  
牯修行却快不是有禪有道如汝種種馳求覓佛覓  
祖乃至菩提涅槃幾時休歇成辦乎皆是生滅心所

以不如鯨奴白牯兀兀無知不知佛不知祖乃至菩提涅槃及以善惡因果但饑來喫草渴來飲水若能恁麼不愁不成辦不見道計較不成是以知有乃能披毛戴角牽犁拽耒得此便宜始較些子不見彌勒阿闍及諸妙喜等世界被他向上人喚作無慚愧懈怠菩薩亦曰變易生死尚恐是小懈怠在本分事合作麼生大須仔細始得人人有一坐具地佛出世侵他不得恁麼體會修行莫趣快利欲知此事饒今成佛成祖去也只這是便墮三塗地獄六道去也只這是雖然沒用處要且離他不得須與他作主宰始得

若作得主宰卽是不變易若作主宰不得便是變易也不見永嘉云莽莽蕩蕩招殃禍問如何是莽莽蕩蕩招殃禍云只這箇總是問云如何免得云知有卽得用免作麼但是菩提涅槃煩惱無明等總是不要免乃至世間麤重之事但知有便得不要免免卽同變易去也乃至成佛成祖菩提涅槃此等殃禍爲不小因甚麼如此只爲變易若不變易直須觸處自由始得

師於天復辛酉夏夜問知事云今日是幾何日月對云六月十五師云曹山平生行脚到處祗管九十日

撰述

爲夏明日辰時吾行脚去及時焚香宴坐而化閱  
四六十二臘三十七葬全身於山之西阿謚元證禪  
師塔曰福圓

五家語錄

法眼宗

徑山沙門語風圓信  
無地地主入郭凝之  
編集

金陵清凉院文益禪師

師諱文益餘杭魯氏子七歲依新定智通院全偉禪  
師落髮弱齡稟具於越州開元寺屬律匠希覺師盛  
化於明州鄞山育王寺師往預聽習究其微旨復傍  
探儒典遊文雅之場覺師目爲我門之游夏也師以  
玄機一發雜務俱捐振錫南邁抵福州叅長慶不大  
發明後同紹修法進三人欲出嶺過地藏院阻雪少

支那

五家語錄法眼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

憩附爐次地藏問此行何之師云行脚去地藏云作麼生是行脚事師云不知地藏云不知最親切又同三人舉肇論至天地與我同根處地藏云山河大地與上座自己是同是別師云別地藏豎起兩指師云同地藏又豎起兩指便起去雪霽辭去地藏門送之問云上座尋常說三界唯心萬法唯識乃指庭下片石云且道此石在心內在心外師云在心內地藏云行脚人著甚麼來由安片石在心頭師窘無以對卽放包依席下求决擇近一月餘日呈見解說道理地藏語之云佛法不恁麼師云某甲詞窮理絕也地藏

云若論佛法一切見成師於言下大悟因議留止進師等以江表叢林欲期歷覽命師同往至臨川州牧請住崇壽院

開堂日中坐茶筵未起時僧正白師云四衆已圍繞和尚法座了也師云衆人却叅真善知識少頃陞座僧問大衆雲集請師舉唱師云大衆久立乃云衆人旣盡在此山僧不可無言與大衆舉一古人方便珍重便下座子方上座自長慶來師舉長慶稜和尚偈問云作麼生是萬象之中獨露身子方舉拂子師云恁麼會又爭得云和尚尊意如何師云喚什麼作萬

象云古人不撥萬象師云萬象之中獨露身說甚麼撥不撥子方豁然悟解述偈投誠自是諸方會下有存知解者翕然而至始則行行如也師微以激發皆漸而服膺海叅之衆常不減千計

上堂大衆立久乃云祇恁麼便散去還有佛法道理也無試說看若無又來這裏作麼若有大市裏人叢處亦有何須到這裏諸人各曾看還源觀百門義海華嚴論涅槃經諸多策子阿那箇教中有這箇時節若有試舉看莫是恁麼經裏有恁麼語是此時節麼有甚麼交涉所以道微言滯於心首常爲緣慮之場

實際居於目前翻爲名相之境又作麼生得翻去若也翻去又作麼生得正去還會麼莫祇恁麼念策子有甚麼用處僧問如何披露卽得與道相應師云汝幾時披露卽與道不相應問六處不知音時如何師云汝家眷屬一羣子師又云作麼生會莫道恁麼來問便是不得汝道六處不知音眼處不知音耳處不知音若也根本是有爭解無得古人道離聲色著聲色離名字著名字所以無想天修得經八萬大劫一朝退墮諸事儼然蓋爲不知根本真實次第修行三生六十劫四生一百劫如是直到三祇果滿他古人

猶道不如一念緣起無生超彼三乘權學等見又道  
彈指圓成八萬門剎那滅却三祇劫也須體究若如  
此用多少氣力

僧問指卽不問如何是月師云阿那箇是汝不問底  
指又僧問月卽不問如何是指師云月云學人問指  
和尚爲甚麼對月師云爲汝問指

江南國主重師之道迎住報恩禪院署淨慧禪師僧  
問洪鐘纔擊大衆雲臻請師如是師云大衆會何似  
汝會

問如何是古佛家風師云甚麼處看不足

問十二時中如何行履卽得與道相應師云取捨之  
心成巧僞

問古人傳衣當記何人師云汝甚麼處見古人傳衣  
問十方賢聖皆入此宗如何是此宗師云十方賢聖  
皆入

問如何是佛向上人師云方便呼爲佛

問如何是學人一卷經師云題目甚分明

問聲色兩字甚麼人透得師却謂衆云諸上座且道  
這箇僧還透得也未若會此僧問處透聲色也不難  
問求佛知見何路最徑師云無過此

問瑞草不凋時如何師云謾語

問大衆雲集請師頓決疑網師云寮舍內商量茶堂  
內商量

問雲開見日時如何師云謾語真箇

問如何是沙門所重處師云若有纖毫所重卽不名  
沙門

問千百億化身於中如何是清淨法身師云總是

問簇簇上來師意如何師云是眼不是眼

問全身是義請師一決師云汝義自破

問如何是古佛心師云流出心悲喜捨

問百年暗室一燈能破如何是一燈師云論甚麼百  
年

問如何是正真之道師云一願也教汝行二願也教  
汝行

問如何是一真之地師云地則無一真云如何卓立  
師云轉無交涉

問如何是古佛師云卽今也無嫌疑

問十二時中如何行履師云步步蹋著

問古鏡未開如何顯照師云何必再三

問如何是諸佛玄旨師云是汝也有

廣述  
五家言金  
五  
問承教有言從無住本立一切法如何是無住本師  
云形與未質名起未名

問亡僧衣衆人唱祖師衣甚麼人唱師云汝唱得亡  
僧甚麼衣

問蕩子還鄉時如何師云將甚麼奉獻云無有一物  
師云日給作麼生

師後住清凉上堂云出家人但隨時及節便得寒卽  
寒熱卽熱欲知佛性義當觀時節因緣古今方便不  
少不見石頭和尚因看肇論云會萬物爲已者其唯  
聖人乎他家便道聖人無已靡所不已有一片言語

喚作參同契末上云竺土大僊心無過此語也中間  
也祇隨時說話上座今欲會萬物爲自己去蓋爲大  
地無一法可見他又囑云光陰莫虛度適來向上座  
道但隨時及節便得若也移時失候卽是虛度光陰  
於非色中作色解上座於非色中作色解卽是移時  
失候且道色作非色解還當不當上座若恁麼會便  
是没交涉正是癡狂兩頭走有甚麼用處上座但守  
分隨時過好珍重

來  
僧問如何是清凉家風師云汝到別處但道到清凉

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五家言金

一

問如何得諸法無當去師云甚麼法當著上座云爭奈何日夕何師云閑言語

問觀身如幻化觀內亦復然時如何師云還得恁麼也無

僧問國師喚侍者意作麼生師云且去別時來

問要急相應唯言不二如何是不二之言師云更添些子得麼

問如何是法身師云這箇是應身

問如何是第一義師云我向你道是第二義

師問修山主毫釐有差天地懸隔兄作麼生會修云

毫釐有差天地懸隔師云恁麼會又爭得修云和尚

如何師云毫釐有差天地懸隔修便禮拜東禪齊云山主恁麼

祇對為甚麼不肯及乎再請益法眼亦祇恁麼道便得去且道疑訛在甚麼處若看得透道上座有來由

五祖戒云法眼劈脊便打保寧勇云修山主當時也好向法眼道與麼會又爭得徑山果云法眼

與修山主絲來線去綿綿密密扶起地藏門風可謂滿日光生若是徑山門下更買草鞋行脚始得何故

毫釐有差天地懸隔甚處得這消息來

因僧來叅次師以手指簾尋有二僧齊去捲簾師云

一得一失東禪齊云上座作麼生會有云為伊不明旨便去捲簾亦有道指者即會不指而去

者即失恁麼會還可不可既不許恁麼會且問上座阿那箇得阿那箇失黃龍清云法眼如鑊錫在手

級活臨時二僧既齊捲簾且道那箇得那箇失還會麼世事但將公道斷人心難與月輪齊

王文那

五家言法眼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五言詩錄

七

雲門問僧甚處來云江西來雲門云江西一隊老宿  
窺語住也未僧無對後僧問師不知雲門意作麼生  
師云大小雲門被這僧勘破

問僧甚處來云道場來師云明合暗合僧無語

師令僧取土添蓮盆僧取土到師云橋東取橋西取

云橋東取師云是真實是虛妄

問僧甚處來云報恩來師云衆僧還安否云安師云  
喫茶去

師問僧甚處來云泗州禮拜大聖來師云今年大聖  
出塔否僧云出師却問傍僧云汝道伊到泗州不到

浮山遠云這僧到即到泗州只是不見大聖 道場  
全云這僧見即見大聖不曾識法眼 東禪觀云這  
僧到也到泗州見也見大聖識

也識法眼只是自討頭不見

師問寶資長老古人道山河無隔礙光明處處透且

作麼生是處處透底光明寶資云東畔打羅聲歸宗  
柔別

云和尚  
擬隔礙

師指竹問僧還見麼僧云見師云竹來眼裏眼到竹

邊僧云總不恁麼師笑云死急作麼法燈別云當時  
但劈眼向師歸

宗柔別云和尚  
祇是不信某甲

有俗士獻畫障子師看了問云汝是手巧心巧云心

巧師云那箇是你心士無對歸宗柔代云某甲  
今日却成容易

支那

五言詩錄七

僧問如何是第二月師云森羅萬象云如何是第一月師云萬象森羅

上堂盡十方世界皎皎地無一絲頭若有一絲頭卽

是一絲頭法燈云若有一絲頭不是一絲頭

師指凳子云識得凳子周巾有餘雲門云識得凳子天地懸殊雪竇云

澤廣藏山理能伏豹圓悟云雪竇如此道未審是明他語雖他語是寔是取徑山杲云識得凳子好剃頭洗脚雖然如是錯會者多

師因患脚僧問訊次師云非人來時不能動及至人來動不得且道佛法中下得什麼語僧云和尚且喜得較師不肯自別云和尚今日似減

僧問如何是塵劫來事師云盡在于今

生法師云敲空作響擊木無聲師忽聞齋魚聲謂侍者云還聞麼適來若聞如今不聞如今若聞適來不聞會麼

因開井被沙塞却泉眼師云泉眼不通被沙礙道眼不通被甚麼礙僧無對師自代云被眼礙

師見僧搬土次乃以一塊土放僧擔上云吾助汝僧云謝和尚慈悲師不肯一僧別云和尚是甚麼心行師便休去

上堂云諸上座時寒何用上來且道上來好不上來

好或有上座道不上來却好什麼處不是更用上來  
作什麼更有上座道是伊也不得一向又須到和尚  
處始得諸上座且道這兩箇人於佛法中還有進趣  
也未上座實是不得並無少許進趣古人喚作無孔  
鐵椎生盲生聾無異若更有上座出來道彼二人總  
不得爲什麼如此爲伊執著所以不得諸上座總似  
恁麼行腳總似恁麼商量且圖什麼爲復只要弄唇  
嘴爲復別有所圖恐伊執著且執著什麼爲復執著  
理執著事執著色執著空若是理理且作麼生執著  
是事事且作麼生執著色著空亦然山僧所以尋常

向諸上座道十方諸佛十方善知識時常垂手諸上  
座時常接手十方諸佛垂手時有也什麼處是諸上  
座時常接手處還有會處會取好若未會得莫道總  
是都來圓取諸上座傍家行脚也須審諦著些精彩  
莫只藉少智慧過却時光

師謂小兒子云因子識得你爺你爺名甚麼兒無對  
法燈代云但將衣袖掩面師却問僧若是孝順之子合下得一轉  
語且道合下得甚麼語僧無對師代云他是孝順之

子

師問講百法論僧云百法是體用雙陳明門是能所

兼舉座主是能法座是所作麼生說兼舉

有老宿代云某甲喚

作簡法座歸宗采云不勞和尚如此雪竇別老宿語云和尚分半院與某甲始得

師一日與李王論道罷同觀牡丹花王命作偈師即

賦云擁毳對芳叢由來趣不同髮從今日白花是去

年紅豔冶隨朝露馨香逐晚風何須待零落然後始

知空王頓悟其意

師示衆云這裏聚集少時爲上座僧堂裏這裏聚集

少時爲上座三門頭這裏聚集少時爲上座寮舍裏

爲復說上座過別有道理會下有數尊宿對一人道

諸佛出世也有這箇方便一人云今日離章義一人

云你遵伊爲什麼處一人云點燈等上座來多時也

一人云什麼處聚集來

師謂門弟子云趙州云莫費力也大好言語何不仍

舊去世間法有門佛法豈無門自是不仍舊故諸佛

諸祖祇於仍舊中得如初夜鐘不見有絲毫異得與

麼恰好聞時無一聲子闌何以故爲及時節無心云

死且不是死止於一切祇爲不仍舊忽然非次聞時

諸人盡驚愕道鐘子惟鳴也且如今日道孟夏漸熱

卽不可方隔一日能校多少向五月一日道便成賺

須知校絲髮不得於方便中向上座道不是時蓋爲

賺所以不仍舊寶公云暫時自肯不追尋歷劫何曾  
異今日還會麼今日只是塵劫但着衣喫飯行住坐  
臥晨叅暮請一切仍舊便爲無事人也

師又云見道爲本明道爲功便能得大智慧力若未  
得如此三界可愛底事直教去盡纔有纖毫還應未  
可秣如汝輩睡時不喚便喜此是三界昏亂習熟境  
界不惺惺便昏亂蓋緣汝輩雜亂所致古人謂之夾  
幻金卽是真其如鑛何若覷得徹骨徹髓是汝輩力  
脫未能如是觀察他什麼樓臺殿閣諸聖未必長把  
却汝手汝未必依而行之古今如此也

師有頌云理極忘情謂如何有喻齊到頭霜夜月任  
運落前谿果熟猿兼重山長似路迷舉頭殘照在元  
是住居西

頌三界唯心云三界唯心萬法唯識唯識唯心眼聲  
耳色色不到耳聲何觸眼眼色耳聲萬法成辦萬法  
匪緣豈觀如幻山河大地誰堅誰變

頌華嚴六相義云華嚴六相義同中還有異異若異  
於同全非諸佛意諸佛意總別何曾有同異男子身  
中入定時女子身中不畱意不畱意絕名字萬象明  
明無理事

師問覺上座船來陸來覺云船來師云船在甚麼處  
覺云船在河裏覺退師問旁僧云你道適來這僧具  
眼不具眼

光孝慧覺禪師至師處師問近離甚處覺云趙州師  
云承聞趙州有柏樹子話是不覺云無師云往來皆  
謂僧問如何是祖師西來意趙州云庭前柏樹子上  
座何得道無覺云先師實無此語和尚莫謗先師好  
經山杲云若道有此語蹉過覺鐵嘴若道無此語又  
蹉過法眼若兩邊俱不涉又蹉過趙州直饒總不恁  
麼別有透脫一路入地獄如箭射鼓山珪  
云覺鐵嘴名不虛得只是不曾夢見趙州  
師與悟空禪師向火拈起香匙問云不得喚作香匙

兄喚作甚麼悟空云香匙師不肯悟空後二十餘日  
方明此語

師一日上堂僧問如何是曹源一滴水師云是曹源  
一滴水僧惘然而退時韶國師於坐側豁然開悟韶  
遂以所悟聞於師師云汝向後當爲國王所師致祖  
道光大吾不如也國師後有偈云通玄峯頂不是人  
間心外無法滿目青山師聞云卽此一偈可起吾宗  
靈隱清聳禪師福州人初參師師指雨謂云滴滴落  
在上座眼裏清聳初不喻旨後因閱華嚴感悟承師  
印可

百丈道恒叅師因請益外道問佛不問有言不問無言敘語未終師云住住汝擬向世尊良久處會那百丈從此悟入

永明道潛禪師河中府人初叅師師問云子於叅請外有甚麼經道潛云華嚴經師云總別同異成壞六相是何門攝屬潛云文在十地品中據理則世出世間一切法皆具六相也師云空還具六相也無潛懵然無對師云汝問我我向汝道潛乃問空還具六相也無師云空潛於是開悟踊躍禮謝師云子作麼生會潛云空師然之異日四衆士女入院師問潛云律

中道隔壁聞釵鈿聲卽名破戒見觀金銀合雜朱紫駢闐是破戒不是破戒潛云好箇入路師云子向後有五百毳徒爲王侯所重在

文遂導師杭州人嘗究首楞嚴謁師述已所業深符經旨師云楞嚴豈不是有八還義遂云是師云明還甚麼云明還日輪師云日還甚麼遂懵然無對師誠令焚其所注之文自此服膺請益始忘知解

玄則禪師滑州衛南人初問青峰如何是學人自己青峰云丙丁童子來求火後謁師師問甚處來云青峰來師云青峰有何言句則舉前話師云上座作麼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五家語錄

十四

生會則云丙丁屬火而更求火如將自己求自己師云與麼會又爭得則云某甲祇與麼未審和尚如何師云你問我我與你道則問如何是學人自己師云丙丁童子來求火則於言下大悟

謹禪師侍立次師問一僧云自離此間甚麼處去來云入嶺來師云不易云虛涉他如許多山水師云如許多山水也不惡其僧無語謹於此有省

歸宗玄策禪師曹州人初名慧超超謁師問云慧超谷和尚如何是佛師云汝是慧超超從此悟入圓悟云有者道慧超便是佛所以法眼怎麼答有者道大似騎牛覓牛有者道問處便是有甚麼交涉若怎麼會去不推

事負自己亦乃深屈古人 雪竇頌云江國春風吹不起鷓鴣啼在深花裏三汲浪高魚化龍癡人猶肩水

舉昔有二菴主住菴旬日不相見忽相會上菴主問下菴主多時不相見向甚麼處去下菴主云在菴中造箇無縫塔上菴主云某甲也要造一箇就兄借取塔樣子下菴主云何不早說却被人借去了也師云且道是借他樣不借他樣舉昔有一老宿因僧問師子捉兔亦全其力捉象亦全其力未審全箇甚麼力老宿云不欺之力師別云不會古人語

支那

五家語錄卷之五

七

舉昔有一老宿住菴於門上書心字於窻上書心字

於壁上書心字師云門上但書門字窻上但書窻字

壁上但書壁字玄覺云門上不要書門字窻上不要書窻字壁上不要書壁字何故字義

然炳

舉昔有一老宿云這一片田地分付來多時也我立

地待汝搆去師云山僧如今坐地待汝搆去還有道

理也無那箇親那箇疎試裁斷看

舉昔有一老宿畜一童子並不知軌則有一行脚僧

到乃教童子禮儀晚間見老宿外歸遂去問訊老宿

怪訝遂問童子云阿誰教你童云堂中某上座老宿

喚其僧來問上座傍家行脚是甚麼心行這童子養

來二三年了幸自可憐生誰教上座教壞伊快束裝

起去黃昏雨淋淋地被趨出師徵云古人恁麼顯露

些子家風甚怪且道意在於何

有人問僧點甚麼燈僧云長明燈云甚麼時點云去

年點云長明何在僧無語長慶代云若不如如此知公

不受人謾師別云利動君子

泗州塔頭侍者及時鎖門有人問既是三界大師爲

甚麼被弟子鎖侍者無對師代云弟子鎖大師鎖

泗州塔前一僧禮拜有人問上座日日禮拜還見大

聖麼師代云汝道禮拜是甚麼義。

昔有施主婦人入院行衆僧隨年錢僧云聖僧前着  
一分婦人云聖僧年多少僧無對師代云心期滿處

卽知

昔有道流在佛殿前背佛而坐僧云道士莫背佛道  
流云大德本教中道佛身克滿於法界向甚麼處坐  
得僧無對師代云識得汝

福州洪塘橋上有僧列坐官人問此中還有佛麼僧  
無對師代云汝是甚麼人

廣南有僧住菴國主出獵左右報菴主大王來請起

菴主云非但大王來佛來亦不起王問佛豈不是汝  
師菴主云是王云見師爲甚麼不起師代云未足酬  
恩

官人問僧名甚麼云無棟官人云忽然將一椀沙與  
上座又作麼生云謝官人供養師別云此猶是棟底  
昔高麗國來錢塘刻觀音聖像及舁上船竟不能動  
因請入明州開元寺供養後有設問無利不現身聖  
像爲甚不去高麗國長慶稜云現身雖普觀相生偏  
師別云識得觀音來

舉世尊纔生下一手指天一手指地周行七步目顧

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

四方云天上天下唯我獨尊雲門云我當時若見一棒打殺與狗子喫貴圖天下太平師云雲門氣勢甚大要且無佛法道理

舉障蔽魔王領諸法眷屬一千年隨金剛齊菩薩覺起處不得忽因一日得見乃問云汝當依何住我一千年覓汝起處不得菩薩云我不依有住而住無住而住如是而住師云障蔽魔王不見金剛齊即從只如金剛齊還見障蔽魔王麼

舉初祖迦葉尊者一日踏泥次有一沙彌見乃問尊者何得自為祖云我若不為誰為我為師云我當時

若見拽來踏泥

六祖示衆云吾有一物無頭無尾無名無字無背無面諸人還識麼時荷澤神會出云是諸法之本源乃神會之佛性祖乃打一棒云這饒舌沙彌我喚作一物尚不中豈况本源佛性乎此子向後設有把茅蓋頭也只成得箇知解宗徒師云古人受記人終不錯如今立知解為宗即荷澤是也

有大德問南嶽如鏡鑄像像成後未審光向甚麼處去南嶽云如大德為童子時相貌何在師別云阿那箇是大德鑄成底像

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五言詩金

十一

舉西堂智藏禪師路逢天使留齋次偶驢子鳴天使云頭陀西堂舉頭天使却指驢西堂却指天使天使無對師別云但作驢鳴

舉鄧隱峰在襄州破威儀堂只着觀衣於砧椎邊拈椎云道得即不打于時大眾默然隱峰便打一下師云鄧隱峰奇怪甚奇怪要且打不着又云其時一衆出自偶然

舉亮座主叅馬祖祖問講甚麼經云心經祖云將甚麼講云將心講祖云心如工伎見意如和伎者爭解講得經亮云心既講不得莫是虛空講得麼祖云却

是虛空講得亮拂袖而去祖乃名云座主亮廻首祖云從生至老只是這箇亮因而有省師云看他古人恁麼慈悲教人如今作麼生會莫聚頭向這裏妄想舉芙蓉叅歸宗問如何是佛歸宗云我向汝道汝還信否芙蓉云和尚誠言安敢不信歸宗云即汝便是芙蓉云如何保任歸宗云一翳在眼空華亂墜師云若無後語何處討歸宗

舉南泉問維那今日普請作甚麼對云拽磨南泉云磨從你拽不得動著磨中心樹子維那無語師代云恁麼即不拽也

支那

五家語彙法眼

七

舉鹽官一日謂衆云虛空爲鼓須彌爲椎甚麼人打得衆無對有僧舉似南泉南泉云王老師不打這破鼓師別云王老師不打

舉鹽官豎起拂子問講華嚴僧這箇是第幾種法界座主沉吟鹽官云思而知慮而解是鬼家活計日下孤燈果然失照師代拊掌三下

舉大慈寰中禪師因僧辭乃問什麼處去僧云江西去大慈云將取老僧去得麼僧云非但和尚更有過於和尚亦不將去師別云和尚若去某甲提笠子

舉大慈上堂云山僧不解答話祇能識病時有僧出

大慈便歸方丈師云衆中喚作病在目前不識

舉僧問大珠如何是佛大珠云清潭對面非佛而誰衆皆茫然師云是卽沒交涉

舉有新到謂趙州云某甲從長安來橫擔一條拄杖不曾撥著一人趙州云自是大德拄杖短僧無對師代云呵呵

舉僧問趙州承師有言世界壞時此性不壞如何是此性趙州云四大五陰僧云此猶是壞底如何是此性趙州云四大五陰師云是一箇兩箇是壞不壞且作麼生會試斷看

撰述  
五  
舉祕魔和尚常持一木又每見僧來禮拜卽又却頸云道得也又下死道不得也又下死速道速道學徒鮮有對者師代云乞命乞命

舉德山示衆云今夜不答話問話者三十棒時有僧出禮拜德山便打僧云某甲話也未問和尚因甚麼打某甲德山云汝是甚處人云新羅人德山云未跨船舷好與三十棒師云大小德山話作兩橛

舉僧問雪峰拈槌豎拂不當宗乘未審和尚如何雪峰豎起拂子僧乃抱頭出去雪峰不顧師代云大衆看此一員大將又舉雪峰謂鏡清云古來有老宿引

官人巡堂云此一衆盡是學佛法僧官人云金屑雖貴又作麼生老宿無對鏡清代云比來拋靛引玉師別云官人何得貴耳賤目

舉僧問夾山如何是夾山境夾山云猿抱子歸青嶂裏鳥銜花落碧巖前師云我二十年祇作境話會

舉龍牙問德山學人仗鎧鉞劍擬取師頭時如何德山引頸近前云因師別云汝向甚麼處下手

舉投子問僧久嚮疎山薑頭莫便是否僧無對師代云嚮重和尚日久又舉僧問一等是水爲甚麼海鹹河淡投子云天上星地下木師別云大似相違又舉

問僧甚麼處來云東西山禮祖師來夾山云祖師不在東西山僧無語師代云和尚識祖師  
白馬曇照禪師常云快活快活及臨終時叫苦苦又云閻羅王來取我也院主問云和尚當時被節度使拋向水中神色不動如今何得恁地照舉枕头云汝道當時是如今是院主無對師代云此時但掩耳出去

江南相馮延巳與數僧遊鍾山至一人泉問一人泉許多人爭得足一僧對云不教欠少延巳不肯乃別云誰人欠少師別云誰是不足者

洪州太守宋令公一日大寧寺僧陳乞請第二座開堂公云何不請第一座衆無語師代云不勞如此龍牙問翠微自到和尚法席每每上堂不蒙一法示誨意在於何翠微云嫌箇什麼龍牙後至洞山亦如是道洞山云爭怪得老僧後又問師師云祖師來也

雪竇顯云兩箇老漢被這僧穿却唯有法眼與他同叅若是雪竇門下喫棒了越出

舉北院通問夾山目前無法意在目前不是目前法非耳目之所到豈不是和尚語夾山云是北院乃掀倒禪床叉手而立夾山起來打一拄杖北院便下去師云是他掀倒禪床何不便去須待夾山打一棒了

去意在什麼處

修山主問澄源禪師乾闥婆王奏樂直得須彌岌峇海水騰波迦葉作舞作麼生會源云迦葉過去世曾作樂人來習氣未除修云須彌岌峇海水騰波又作麼生會澄源休去師代云正是習氣

師問修山主云仰山四門光道應眼時全身耳應耳時全身眼兄作麼生會修云眼裏底作耳裏底用耳裏底作眼裏底用師云正是美精覓修却問和尚如何師再舉一遍修方省

師久叅長慶後後却繼嗣地藏長慶會下有子昭首

座平昔與師商確古今言句昭纔聞心中憤憤一日特傾衆詣撫州責問於師師得知遂舉衆出迎特加禮待賓主位上各掛拂子一枝茶次昭忽變色抗聲問云長老開堂的嗣何人師云地藏昭云何太孤長慶先師某甲同在會下數十餘載商量古今曾無間隔因何却嗣地藏師云某甲不會長慶一轉因緣昭云何不問來師云長慶道萬象之中獨露身意作麼生昭豎起拂子師便叱云首座此是當年學得底別作麼生昭無語師云只如萬象之中獨露身是撥萬象不撥萬象昭云不撥師云兩箇也於時叅隨一衆

連聲道撥萬象師云萬象之中獨露身聲昭與一衆  
憊懼而退師指住云首座殺父殺母猶通懺悔謗大  
般若誠難懺悔昭竟無對自此却叅師發明已見更  
不開堂

師緣被於金陵三坐大道場朝夕演旨時諸方叢林  
咸遵風化異域有慕其法者涉遠而至玄沙正宗中  
興於江表師調機順物斥滯磨昏凡舉諸方三昧或  
入室呈解或叩激請益皆應病與藥隨根悟入者不  
可勝紀周顯德五年戊午七月十七日示疾國主親  
如禮問閏月五日剃髮澡身告衆訖跏趺而逝顏貌


如生壽七十有四臘五十四城下諸寺院具威儀迎  
引公卿李建勳以下素服奉全身于江寧縣丹陽起  
塔諡大法眼禪師塔云無相後李主勅報慈院命師  
門人玄覺言導師開法再諡師大智藏大導師 終

海寧縣無地地主人郭正中原名疑之字發  
肩彙編五家語錄五卷拾費刊刻今孫男郭  
時願拾板徑山古樸菴附大藏流行法寶  
康熙乙巳冬月敬識




9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

三才圖會



了翁上座請大猷及有  
我微笑塔院庭府中未  
為學者不敢許出院內  
富山二世鐵牛機謹誌

9  
170  
1  
2  
3  
4  
5  
6  
7  
8  
9  
180  
1  
2  
3  
4  
5  
6  
7  
8  
9  
190  
1  
2  
3  
4  
5  
6  
7  
8  
9



二四十一

